



PEMINJAM yang sedang membuat bayaran balik melalui potongan gaji atau debit terus layak mendapat diskaun 15 peratus secara automatik.

Oleh Redzuan Muharam
redzuan.muharam@hmetro.com.my

INISIATIF BAYARAN BALIK PTPTN

Diskaun 20 peratus!

Kuala Lumpur

Pelaksanaan diskaun bayaran balik pinjaman Perbadanan Tabung Pendidikan Tinggi Nasional (PTPTN) sehingga 20 peratus berkuat kuasa mulai kelmarin.

Inisiatif itu membabitkan empat kategori termasuk salah satunya pemberian diskaun 20 peratus atas baki hutang untuk penyelesaian penuh pinjaman.

Pada masa sama, PTPTN turut menawarkan diskaun sebanyak 15 peratus untuk penyelesaian sekurang-kurangnya 50 peratus daripada keseluruhan baki hutang.

"Bayaran balik melalui potongan gaji atau debit terus mengikut jadual bayaran balik juga diberikan kepada peminjam, selain diskaun lima peratus untuk bayaran balik melalui aplikasi myPTPTN."

"Semua peminjam PTPTN termasuk yang dikenakan tindakan penguatkuasaan dan penerima Wang Penda-huluan Pinjaman (WPP) juga layak menikmati insentif itu," katanya dalam satu kenyataan media di sini.

Menurut PTPTN, peminjam yang ingin membuat penyelesaian penuh pinjaman

15%

Tawaran diskaun untuk penyelesaian sekurang-kurangnya 50 peratus daripada keseluruhan baki hutang

atau sekurang-kurangnya 50 peratus daripada baki hutang perlu membuat pengesahan baki pinjaman melalui aplikasi myPTPTN atau portal rasmi PTPTN di www.ptptn.gov.my (http://www.ptptn.gov.my/).

"Peminjam terbabit juga boleh menghubungi Eksekutif Pemasaran PTPTN sebelum membuat bayaran balik melalui saluran bayaran yang disediakan."

"Peminjam yang sedang membuat bayaran balik melalui potongan gaji atau debit terus layak mendapat diskaun 15 peratus secara automatik."

"Sementara peminjam yang ingin membuat poto-

ngan gaji atau debit terus pula boleh membuat permohonan melalui aplikasi myPTPTN atau portal rasmi PTPTN di (<http://www.ptptn.gov.my/>) www.ptptn.gov.my

"Peminjam boleh memilih salah satu atau kedua-dua saluran untuk menikmati insentif ini," katanya.

Selain itu, diskaun lima peratus juga diberikan bagi bayaran balik yang dibuat melalui aplikasi myPTPTN.

"Peminjam boleh memuat turun aplikasi myPTPTN melalui App Store bagi pengguna iOS, Play Store bagi pengguna Android dan Huawei AppGallery."

"Bagi kemudahan pelaksanaan penagguhan bayaran balik pula, PTPTN memaklumkan semua peminjam yang dalam tempoh membayar balik dan mempunyai pendapatan bulanan kasar RM1,800 ke bawah layak memohon penagguhan kecuali peminjam yang menyertai program pengurusan hutang (DMP) di bawah

Agensi Kaunseling dan Pengurusan Kredit (AKPK) bagi pinjaman PTPTN.

"Permohonan penagguhan boleh dibuat mulai 1 Mac melalui portal rasmi PTPTN di (<http://www.ptptn.gov.my>) (<http://www.ptptn.gov.my/>)," katanya.

Dalam kenyataan sama, PTPTN berkata, pihaknya akan memaklumkan status kelulusan melalui e-mel yang dikemaskini semasa peminjam membuat permohonan dalam tempoh 14 hari

bekerja selepas permohonan diterima.

"Peminjam yang diluluskan penagguhan, akan dikecualikan daripada tindakan penguatkuasaan dan perundangan sepanjang tempoh penagguhan bayaran balik berkuat kuasa."

"Kos pentadbiran atau ujar juga tidak dikenakan sepanjang tempoh penagguhan diberikan," katanya.

Katanya, insentif yang diberi menunjukkan komitmen kerajaan dalam menyokong usahanya sebagai

agensi di bawah Kementerian Pendidikan Tinggi (KPT) bagi memastikan ke-bajikan peminjam dan kelestarian dana pinjaman pendidikan untuk generasi akan datang.

"PTPTN menyambut baik insentif yang diberikan kepada peminjam PTPTN melalui pembentangan Belanjaan 2023 oleh Perdana Menteri yang juga Menteri Kewangan Datuk Seri Anwar Ibrahim," katanya.

Untuk pertanyaan, peminjam boleh melayari portal rasmi PTPTN di www.ptptn.gov.my (<http://www.ptptn.gov.my/>) atau menghubungi PTPTN melalui saluran Carline PTPTN di 03-21933000 yang beroperasi Isnin hingga Jumaat dari jam 9 pagi hingga 5 petang.